



~ 16
2793
4



門 18
號 2793
卷 4

空同子集

卷之十八

北郡李夢陽撰 東莞鄧雲霄款潘之恒蒐校

詩類四之一 七言古

漢京篇

明星篇

楊花篇

去婦詞

蕩子從軍行

右次倣初唐體五首

洛陽道

野田黃雀行

苦寒行

結交行

梁園歌

梁園雪歌二首

昭和十九年
六月二十八日
購本

世不講曹李詩尚矣內弟會余河上能章章道也驚有此贈

酬錢水部錫山之招

寄錢水部

十四夜條然臺二首

十五夜

十六夜

十七夜

客有笑余霜髮者走筆戲之

戲作放歌寄別吳子

右次效李白體一十七首

水車行

鹽井行

右次用張王體二首

清夜行

右次用李賀體一首

沈大夫行

雪山歌送萬子

廣州歌送羅叅議

右次長短句三首

七言古一

倣初唐體

漢京篇

漢京臨帝極複道衆星羅煙花開甸服錦繡列山河

山河自古稱佳麗城中半是王侯第峻閣重樓夾道
懸雲房霧殿森蔚蔽牧豚賣珠登要津樊侯亦是鼓
刀人時來叱咤生風雨奄見吹噓走鬼神平津結兄
蓋侯弟杯酒相看何意氣執鞭盡是虎賁郎守門不
說長安尉長安烽火入邊城挺劍辭君萬里行去日
千官遮馬餞歸來天子降階迎朱弓尚抱流沙月寶
鉞常飛翰海星不分燕然无勒石直教麟閣後標名
豈知盛滿多仇忌可惜榮華如夢寐地宅田園奪與
人丹書鐵券成何事霍氏門墻狐夜號魏其池館長
蓬蒿三千劍客今誰在十二珠樓空復高後車不戒
前車覆又破黃金買金谷洛陽亭榭與山齊北邙車
馬如雲逐陰郭豪華真可憐雲臺將相珥貂連當時
却怪桐江叟獨着羊裘伴帝眠

明星篇

正德間早起聞內教場砲喊之聲作此篇也

明星出地一丈高天門沈沈魚鑰動沙堤露下玉珂
寒直廬鷄唱金蓮重千門萬戶曉鐘發明星漸高河
漸沒燦爛疑侵翔鳳樓依稀故抱飛龍闕鳳樓龍闕
帶曾城翠輦朱衣夜夜行黃昏競奏催花宴天明猶
聽打球聲蘭烟桂火輝如日明星迢迢照不入百子

池頭青草生長信宮中紫苔集草色苔香秋復春此
日乘槎若問津明星曉落宵還見白髮黃金愁殺人

楊花篇

洛陽三月東風起楊花飛入千門裏只見朝縈上苑
烟那知夕逐東流水苑煙流水無休歇暖日輕盈度
仙闕趙女瑤臺貯綵霞班娘團扇啼明月綵霞明月
幾沈輝陌上行人亂撲衣征夫柳塞愁看鴈少婦深
閨懶上機柳塞香閨萬餘里草色連天度隴水玉門
關外雪猶飛章臺樹裏風先起誰家浪子千金馬平
明挾彈章臺下頭上羅巾玳瑁簪腰間寶鈿珊瑚把
踏絮來尋賣酒家持香坐調當壚者當壚美女怨陽
春笑掇楊花襯繡裯青樓薄暮難消遣白雪漫天愁
殺人冥冥漠漠春無極此時惟有楊花色一朝風雨
靡蕪爛獨慘垂條三歎息

去婦詞

正德元年戶部尚書韓文暨內閣師保等咸相
繼去位李子作此詞也

孔雀南飛鴈北翔含顰攬涕下君堂繡幙空留並菡
萏羅袿尚帶雙鴛鴦菡萏鴛鴦誰不羨人生一別何
由見只解黃金頃刻成那知碧海須臾變賤妾甘爲

空同集
覆地水郎君忍作離弦箭憶昔嫁來花滿天賤妾郎
君俱少年瑤臺築就猶嫌惡金屋粧成不論錢重樓
複道天中起結綺臨春照春水宛轉流蘇夜月前萋
迷寶瑟烟花裏夜月烟花不相待安得朱顏常不改
若使相逢無別離肯放馳波到東海薄命難教娣姒
知衰年恨少姑嫜在長安大道接燕川鄰里携壺舊
路邊妾悲妾怨憑誰省君舞君歌空自憐郎君豈是
會稽守賤妾寧同會稽婦郎乎幸愛千金軀但願新
人故不如

蕩子從軍行

蕩子從軍行者本駱氏蕩子從軍賦也余病其
聲調不類於是改焉

胡兵十萬起妖氛漢騎三千掃陣雲隱隱地中鳴戰
鼓迢迢天上出將軍邊沙遠離風塵氣塞草常萎霜
露文蕩子辛苦十年行回首關山萬里情才聞突陷
賢王陣又遣分圍右校營紛紛鐵騎朝常警寂寂銅
焦夜不鳴滄波積凍連蒲海雨雪凝寒遍柳城地分
玄微指青波關塞寒雲本自多嚴風凜凜將軍樹苦
霧蒼蒼太史河揚麾拔劍先挑戰征旆凌沙犯霜霰
樓船一舉爭沸騰烽火四連相隱見戈文耿耿懸落

星馬足駸駸擁飛電終當取俊效先鳴豈暇論功稱
後殿征夫行樂踐榆溪倡婦銜怨坐空閨靡蕪舊曲
終難贈芍藥新詩豈易題池前怯對鴛鴦伴庭際羞
看桃李蹊蕩子別來年月久賤妾深閨更難守鳳凰
樓上罷吹簫鸚鵡杯中臨勸酒同道書來一鴈飛此
時緘怨下鳴機已剪鴛鴦帖夜被更薰蘭麝染春衣
屏風宛轉蓮花帳牕月玲瓏翡翠幃箇日新粧如復
罷祗應含笑待郎歸

效李白體

洛陽道

桃花馬金絡頭白面郎紫貂裘三月洛陽道垂柳蔭
清溝溝水東流不記春花開花落幾迴新東風日暮
楊花起愁殺高樓獨倚人

野田黃雀行

鶉奔奔鵲僵僵來逢野田雀相逐過南疆北地苦霜
雪南地多稻梁人生美食被綺衣不及鴻鴈能高飛
鴻鴈下天遭網羅不食柰爾黃雀何

苦寒行

太行之山何崔嵬天寒谿谷禽獸饑黃熊赤罷力相
食翠衿繡翼徒南飛啄食飲泉百意足野田稚子寒

無衣張羅掛畢伺鳥雀口作雌雄鳴且悲鶴鶉小鳥
鼓翅落鼎食之家意不樂頓箸待爾登品錯奏應鐘
開玄堂瓊幃錦幄冬夜長微禽效體樽俎光秃鶯鴛
鸛當簷翔

結交行

昔時韓生有艷妻其君使築青陵臺南山有鳥不肯
來烏鵲雖小禽不受鸞鳳猜以此築臺成二人葬寒
灰舉國見之悲且哀悲且哀斷人腸墳上連理樹變
爲兩鴛鴦搯吭交頸綺翼張春風蛺蝶花飄揚君不
見鄜呂結交日朝爲刎頸暮拋擲如此結交復何益

梁園歌

朝發金臺門夕度博浪關黃河如綵天上來千里不
見淮南山淮南桂樹弄婆娑掛席欲進阻洪波我今
亦作梁園歌梁園昔有信陵君名與岱華爭嵯峩三
千珠履不動色屠門執轡來相過功成不顯涕滂沱
青蠅白璧一何多我爲梁園客不登梁王臺錦帆揚
州門一去何時迴荒烟白草古城沒登臺望之令心
哀令心哀歌且謠迷塗富貴苦不足寧思白骨生蓬
蒿人生三十無少年積金累玉空前熬熬獨立天地間
長嘯視今古城隅落落一堆土千年誰繼白與甫攬

空同集 卷十八 七
淚浮雲灑煙莽灑煙莽風吹卷波濤沈吟投箸不暇
食蹴天濁浪何滔滔君不見昔人然諾一相許黃金
斗印如秋毫

梁園雪歌

昔對燕山雪岩堯白玉京曉曳王恭氅飄飄入紫清
今爲梁園客獨對梁園雪黃雲索寞連滄海九疑望
盡飛鴻絕

其二

飄風動三極霏雪灑煙海天地倏低昂虛無變光彩
梁臺空嶮岵枚馬今安在飛光超忽若游龍我欲從
之問千載

世不講曹李詩尚矣內弟會余河上能章章
道也驚有此贈

曹植白馬篇李白飛龍引流光耀千古不與日星隕
世人捧心戚畹爲西子晒左生三十歲雅志測沈冥
鯨飲傾百川自稱吾酒星今朝理酒船來過子雲亭
高談叫太白八斗揮雷霆霜雪連山海氣惡柳枝簌
簌冰花落此時萬里無人煙誰信清冷動池閣動池
閣生暮愁雪澤古龍寒啾啾他時爾獻三都賦我釣
長江萬里流

酬錢水部錫山之招

無錫錢少陽招我棲錫山江上千萬峰
裊裊凌江關下有震澤湖旁有太伯灣
昔時蘇公慕陽羨陽山錫山對相見
我獨何爲阻茲游西風吹心落吳甸
我問錢少陽汝今在何所振轡金馬門
看花曲江潁徐庶竟辭劉張翰憶吳州
鵝湖雲嶼間鴻山林樹秋我今放浪黃河
隅遙憶白粲心鬱紆幾時彈劔賦歸來與
爾共醉芙蓉湖

寄錢水部

我今在何所收釣睢川陽子今在何所飛蓋臨東方

高山大澤不我限胡爲日夜遙相望鴻鴈日南飛不
寄一封書離別春草生相思秋葉踈朝看渤海雲暮
眺滄洲月樹寒多天風相思幾時歇

十四夜脩然臺

正德初李子潛河上築脩然之臺

中州可以望天地黃河之水何恍惚爲此築臺臨其
涯坐看月生復月沒今年中秋地無雲綠烟溟濛海
月發金流水波貝宮湧蛟龍出遊爭海月我欲乘槎
捉蛟龍浪高力微懼滅歿嗚呼滅歿不足惜只恐竟
無益

其二

蓬池有嘯臺夷門有吹臺二臺突兀眼前一杯土英雄落莫成今古我今有臺不嘯復不歌月高霜白如夜何臨洪河望四海山川悲月不改昔日芒碭五色氣煙銷浪滅今安在

十五夜

去年燕山南易水北終宵待月不可得露雲崢嶸蔽瑤闕頓箸停杯三太息今年有月復有臺海門煙滅沒四顧天地闊何爲不飲歌且哀君不見少年時馳逐京洛陌夜夜謹呼山月白揮鞭不顧五陵客月圓月缺天有之人生豈復如舊時不如采取靈兔藥富貴浮雲豈足樂

十六夜

唧唧復唧唧當戶鳴促織月中何所有云是仙桂枝此桂開花復結子安得夜夜常不虧君不見梁園酒一斗錢十千昔時信陵有賓客不飲豈足稱豪賢直須酩酊卧草澤明日射獵睢陽川

十七夜

三日不見月見之半輪沒清光猶能鑿毛髮不愁倒卻婆娑樹只恐損破清虛闕清虛闕在何許白氣熒

焚走金虎雖有三萬六千戶手提玉斤不敢補涼風
颼颼自西來吹我衣心獨苦長歌潛行攬洲莽

客有笑余霜髮者走筆戲之

手中觴不須笑我頭上霜客盡觴且停之聽

髮詞君不見天上烏東跳西走不相待又

不 萬古滔滔向東海我身不是南山松又

不 奈何與少年爭春風鬪鷄走狗傾春紅

君不見 何孔仲尼轍環顛顛無已時盜跖殺人如

亂麻錦衣高壽顏回嗟聽我霜髮歌歌短情則多軒

車駟馬渾等閑何似日銜金叵羅金叵羅青玉案何

以贈客錦繡段頭白頭白何須歎

戲作放歌寄別吳子

吳名廷舉字獻臣蒼梧人

惟昔少年時彈劍輕遠遊出門覽四海狂顧無九州

獻策 天子賜顏色錫宴出入黃金樓揚鞭過市萬

馬辟半醉唾罵文成侯結交盡是扶風豪片言便脫

千金裘彎弓西射白龍堆歸來洗刀青海頭崑崙河

磧不入眼拂袂乃作東南遊江海淘滂浸日月島嶼

感沓混吳越匡廬小瑣拳可碎鄱陽觸怒踢欲裂澤

中龍怪能人言噴濤吹浪昏漲天大鵬舉翼四海窄

笑爾弋人何慕焉東湖子君非洪忍闇穆取位之丈

夫余亦豈卑卑與世而浮沈恂復共鬪非庸劣廉藺
終投萬古欽攀鱗掃氛代不乏我豈復戀頭上簪鹿
門黃犢穩足駕商巖紫芝山固深有飛倘附秋空音

用張王體

水車行

黃門飛鞚西北趨白馬如龍血如珠萬人齊呼水窖
開大車小車如山來但見風行九市陌寧知玉積五
侯宅道傍暘士僵闌干脣乾口燥真大難侯門宴罷
夜烏起朱殘粉落明星裏君不見積水化作堂前水

鹽井行

山頭井乾生棘蒿山下井塌不可熬官司白牌促上
庾富家典牛貧典女誰其使之華陽賈華陽賈子多
少年擁金調妓高樓邊夜馳白馬迎場吏曉貫青絲
還酒錢君不見場吏乘酣氣如虎鹽丁一語遭筆楚

用李賀體

清夜引

桂魄團團霜兔泣玉龍夜吟冰喉溢仙人起踏白芙
蕖手燃一枝珊瑚株伏猊香噴紅氍毹蠟鳳啼春蝦
捲鬚九華丹焰奪行月五虬轆雲聲軋軋銀筆翠管
聲咿啞繁謳雜舞懽意匝盤中紫棗大於瓜誰其擊

之萼綠華雙桂透迤頭兩丫密情芳緒芳且嘉瓊城
夜半重重閉偷桃小兒安得至

長短句

沈大夫行

沈大夫遺我以凜冽玉壺之冰報汝以離離朱瑟之
繩繩以發凌雲絕響之妙曲冰以滌卓犖碗礪之清
膺此曲可以掘地懿揚天經宣融風召遐齡奏之敬
姜室允宜軻母庭沈大夫奉 詔且還家松江鱸魚
白 王土居斫笋如斫麻烹羊擊鼓會親戚太守長
吏爭趣車倚乎嘉哉男兒生不顯親譬如錦衣夜行
雖貴何足誇

雪山歌送萬子

雪山高哉崑乎岌今吾不知幾千萬仞但見雲峰之
崔巍巖冰陵兢縞壑熒石晶矐而翠律兮懸猱不得
度飛鳥何由迴大峰如老翁冕珮凌紫埃諸峰似兒
孫羅列芙蓉開江日洶湧地軸動孤光倒曳生奔雷
岌乎崑哉雪山之高不可以攀陟斧斤不入松栢如
麻霜幹翳蔽雲根槎枒滲膏結苓實輪困走龜蛇君
今策駟過其下車徒滾滾如飛沙何不斲取松下苓
獻之堂上翁上以介壽考下以召禎祥噫吁戲雪山

之高吾不可得而名惟有峨眉玉壘萬古遙相望

廣州歌送羅參議

麗哉遐乎廣之爲州今關炎區奧雄跨乎南陲天作
五嶺奠玄武排空下走何崔嵬拓邦幾千祀浩蕩人
文閑秦還漢往不復識但見古城蒼蒼坐綠蘿上則
盤岡曲丘龍蛇虎蹲其下膏塲繡澗暖而渟泅水
銀丹砂布平地珍錯奚翅犀與瑰夷於賈舶競追逐
白首浩淼誰曾回土產之異尚如此何況四民者擬
然叅三才君今縮牒向南去清風吹袂心
冬冬長序策
五羊城側有千尺臺曩昔聞

一杯是時榕蹊雨初霽茉莉霜成堆君嘗夢遊而神
適兮豈知七載還復來男兒成名貴及早英雄多少
埋塵埃羨君青鬢結 明主出叅方岳聲如雷金章
紫綬不可以倖致如君者謂非歷塊之龍媒羅浮三
千六百丈岷嶽倚窮隈巨鰲戴之與波下上三十五
蓮峰照耀雲中輝羣仙跨飛龍流影亂巖霏我欲從
之歎無術送君翹首空徘徊

壬寅孟秋長洲
歸隆齋閱梓

空同子集

卷之十八終

空同子集

卷之十九

北郡李夢陽撰 東止元鄧雲霄歛潘之恒蒐校

詩類四之二 七言古

桂巖行 崖松行

丹穴行 苦寒行

夜行歌 古白楊行

泉上雜歌二首 自從行

大梁城西門行 羈旅翁行

寶刀篇 秋夜歎二首

思歸引 歸來行

弘治甲子屆我初度追念往事死生骨肉愴然
動懷擬杜七歌用抒憤抱云耳

解酋行

飛蟻歎

西來行

土兵行

癸酉生日

豆莖行

餘干行

義魚行

襄陽歌四首

苦雨篇

苦雨後篇

久雨柬黃子

種竹

放蛇引

歲暮四篇

徒涉歎

松泉子歌

飛星篇

吟思篇

鈴山堂歌

右次感述四十九首

七言古二

感述

桂巖行

白龍不識漁溪惡化爲魚服遭人縛黃髮先生困泥
阻白馬小兒氣揮霍道傍朽木藏蛟龍霹靂猶聞夜
火紅寄謝少年諸數公貧賤豈必皆愚蒙桂巖紫芝
春盡發騎驢且覓商山翁

崖松行

峭石從龍木相樛孤松拄日崖光幽朔風北來霜雪
暗山深草黃途路修此時亭亭見松意排空柯榦流
雲氣大厦傾時梁棟急君看此物終難棄

丹穴行悼丘隱君

丘名琥號松山夷門隱人也

北風颯颯吹丹穴幽篁梧樹寒蕭屑孤鳳威垂眼流
血蘭陽丘公昨謝世使我杯乾已數月出門騎馬向
誰適世事悠悠忍能說薄俗踰趨始爲敬老夫平生
性懶拙後生譏訕轉多口白壁青蠅從黠缺宋門汪
隆頗好事見我握手肝肺熱近亦客死臨清州北望
傷心路途絕可憐親友日零散老成耆舊灰燼滅不
爭汝曹灰燼滅又值天寒地欲裂

苦寒行

前日雪落傷麥根北風刮地天色昏沙飛石走拔大
樹雪積林坳出無路城中死者不知數我歸三年河
不凍今年冰堅車可渡觸面僚慄厚地裂四顧乾坤
莽明滅尺薪粒米貴如玉君不見日晚空牆貧士哭

夜行歌

月輪未安光已皎我行夜出夷梁道力疲足酸堤上

空同集
坐黃狐怒立啼向我宋家宮殿盡瓦礫陂湖燒鹽焰
婀娜忽憶東京全盛時月行對此誰能那

古白楊行

百泉東岸三古楊下枝掃拂書院牆上枝瑟瑟千穹
蒼空山野陰雷雨黑柯榦冥冥動山壁剪伐難爲棟
梁用盤踞畚逃斧斤厄但見白日悲風發寧知六月
撐霜雪煙色慘愴精靈聚孤根倔強源泉裂憶昨訪
古憩其下居人不敢留車馬落籜尚禁牛羊食汗穢
頗遭縣官打丞相古柏霹靂碎將軍大樹空蕭灑岡
頭石路莎草長孫邵李許同一堂春風漂泊予到此
不見古人惟古楊古楊蕭蕭暮流急波翻浪倒蛟龍
泣衛女幽憂拾錦花逋臣寂寞愁難立君不見太行
羊腸莫比數上有毒蛇下猛虎樵斤獵火不虛日桂
柏椅桐氣悽苦嗚呼楊兮楊兮爾何盤根據茲土

泉上雜歌

游子樂游復長歎臨深坐歌白石爛石泉漠漠常東
流我今胡爲坐泉頭渚花冥冥野陰薄谿日杲杲蒼
雲愁君不見古來爭戰地山寒雪暮風颼颼

其二

美人被服貂襜褕春日遊行春水曲綠蘿無煙山雲

暝扣石長歌歎幽獨撥刺紅鱗錦湍游我欲釣之且
復休金盤玉箸在何許爲爾臨淵淚如雨

自從行

自從天傾西北頭天下之水皆東流若言世事無顛
倒竊鈎者誅竊國侯君不見奸雄惡少雄肥牛董生
著書番見收鴻鵠不如黃雀啅盜跖之徒笑孔丘我
今何言君且休

大梁城西門行

水門堤口雙栢樹種之何年不記敷風淩雨蝕生氣
微枝葉半凋委官路烏鴉螻蟻復啄食我行見之淚
如注古來根本忌先撥嗚呼柰此棟梁具及今可爲
當語誰半夜吞聲向北去

羈旅翁行

自焚闕里手植檜天下斯文忽墜地錦衣使者日旁
午青衿胄子時流涕靈風翩翩起白旒五月黃塵暗
天際君不見河上羈旅翁時乖此老遭拘繼

寶刀篇

我有吳王雙寶刀龍鱗雪花爛照地奉君清宴可君
意佩之十年不曾離黃金鞶帶白玉鈎出入魍魎魑
魅愁功高見疑反遭怒此物拋擲今兩秋丈夫生世

輓軻亦如此終日戚戚何爲爾

秋夜歎

君不見梁上蝠飛走掠蠅虫蠅虫四散不受掠而我
胡在縲紲中豈卽運命委霜雪要知腐草生華風沉
吟徹夜不能寐此時天風雨將至但聞虫聲啾啾復
唧唧鴻鴈嗷嗷忘南北

其二

臭虫多足蚊有翅當我眠時忽而至憤悶披衣坐歎
息竟夜搔爬無氣力寒霖蕭蕭響荆棘君不見吹燈
無煙四壁暗野狐跳梁鬼唧唧

思歸引

疾風吹寒破南極凍雨澌澌山樹黑天昏歲暮百憂
併中夜悲歌淚沾臆起視衆星白爛爛我今胡爲在
長安思歸路阻多苦寒嗷嗷何處失羣鴈翅濕高飛
嗟汝難

歸來行

天下儒冠豈盡誤迂謬棄捐仍道路九月江山凍煙
霧百年裘馬衝霜露窮達自知休怨天歸來且種東
陵田齒過四九已不小釣魚獵兔亦得飽

弘治甲子屆我初度追念往事死生骨肉愴

然動懷擬杜七歌用抒憤抱云耳

吁嗟我生三十三我今十年父不見濁涇日寒關塞
黑杳杳松楸隔秦甸梁王賓客昔全盛我父優游誰
不美當時携我登朱門舞嬌歌騰爭看面二十年前
一回首往事凋零淚如霰嗚呼一歌兮歌一發北風
爲我號冬月

其二

母之生我日初赫缺突無煙榻無席是時家難金鐵
鳴倉皇抱子走且匿艾當灼臍無處乞隣里相弔失
顏色男兒有親生不封萬鍾於我乎何益高天蒼蒼
白日凍今辰何辰夕何夕嗚呼二歌兮歌思長吾親
儼在孤兒傍

其三

有弟有弟青雲姿以兄爲友兼爲師十五徧探古人
籍十九不作今人詩從兄翱翔潞河側寧料爲殤返
鄉域孤墳寂寞崔橋西渺渺遊魂泣寒食嗚呼三歌
兮歌轉烈汝雖抱女祀終絕

其四

有姊有姊天一方風蓬搖轉思故鄉歲收秫秉不盈
百男號女啼常在旁黃鳥飛來啄屋角碩鼠唧唧宵

近牀洪河鬪蛟波浪怒我欲濟之難爲梁嗚呼四歌
兮歌四闕我本與爾同肉血

其五

古城十家九家空有姊有姊城之中峭壑直下五千
尺雞鳴汲回山日紅犁鋤縱健把豈得病姑垂白雙
耳聾小孤癡蠢大孤情霜閨夜夜悲迴風嗚呼五歌
兮歌五轉寒岬吹律何時變

其六

冰河蜿蜒雪爲岸忽得鯉魚長尺半剖之中有元方
書許我是月來相看臘寒歲窮多烈風日暮高樓眼
空斷梁都北來道如砥熟馬輶輪爲誰絆嗚呼六歌
兮歌未極原鷓爲我無顏色

其七

丈夫生不得志居人下低頭覩面何爲者薄祿不救
諸親饑壯志羞稱萬間厦東華軟塵十丈紅入擁簿
書出鞍馬王門好竿不好瑟何如歸樵孟諸野嗚呼
七歌兮歌思停極目南山空翠屏

解酋行

都昌縣南乾沙上射鴈者誰三五羣氊帽紅裘黃戰
裙云是解酋官達軍沙下北風吹艦旗邊軍歡喜家

空同集
軍悲朝廷日夜望俘至雪凍首船猶住茲縣官逃走
驛官啼要錢勒酒仍要雞姚源遺孽尚反覆爾曹不
得誇遼西

飛蟻歎

李子官江西時觀事感心作飛蟻嘆暨西來行
也

今朝天光鳥鳴喚草萋柳長江渙渙怪爾飛蟻何爛
熯填門撲牕坐我案夜來不虞風驟至屋瓦吹飛船
打岸孤城晦冥霏霏雨前叫鵲鷓後鵲鷓共言此崇
飛蟻爲我欲擊之還復歎明明上天非無宰蟻也瑣
細何須算災祥感召固其理先時苟備終無患君不
聞漢家滿堂客不貴徙薪貴焦爛

西來行

冬廿六日十二月西來泛湖雨明滅雨寒著樹盡成
雪天波靄霽路幽絕鵲鷓禿鷺立如人銜魚避船偷
眼噴天開獵夫會尋汝乘時早可收其身

土兵行

豫章城樓飢啄烏黃狐跳跟追赤狐北風北來江怒
湧土兵攫人人叫呼城外之民徙城內塵埃不見章
江途花裙蠻奴逐婦女白奪釵鑲換酒沽父老向前

語蠻奴慎勿橫行王法誅華林姚源諸賊徒金帛子
女山不如汝能破之惟汝欲犒賞有酒牛羊猪犬者
陞官佩纓趨蠻奴怒言萬里入爾都爾生我生屠我
屠勁弓毒矢莫敢何意氣似欲無彭湖彭湖翩翩飄
白旗輕舸蔽水陸走車黃雲捲地春草死烈火誰分
瓦與珠寒岬日月豈盡照大邦鬼魅難久居天下有
道四夷守此輩可使亦可虞何況土官妻妾俱美酒
大肉吹笙竽

癸酉生日

廬山臘日地凍裂白猿鹿麕啼深雪臥病松林北岸
湖黃蒿古阪行人絕已今行年四十二我辰安在百
憂結小孫呼爺戲牀側縱惱忍能卽嗔說

豆莖行

昨當大風吹雪過湖船無數冰打破冰驤轟崑山嶽
立行人駭觀淚交墮景泰年間一丈雪父老見之無
此禍鄱陽十日路斷截廬山百姓啼寒餓旌竿凍折
鼙鼓啞浙軍楚軍袖手坐將軍部兵蔽江下飛報沿
江催豆莖邑官號呼手足皴馬騾雞犬遺眠卧前時
邊達三千軍五箇病熱死兩箇彎弓值凍不敢發昔
何猛毅今何懦李郭鄴城圍不下裴度淮西手可唾

空同集
從來強弱不限域任人豈論小與大當衢寡婦携兒
哭秋禾枯槁春難播縱徼科何自出大兒牽羶陸
挽馱

餘干行

荒濱鶻立夕啼鵙春行綠岸竹木枯黃蒿破屋走白
狐東至信州西鄱湖男兒輸粟婦刈芻問誰爲此軍
前須去年冰雪十丈餘凋瘁至今猶未蘇姚源帶甲
已數萬巖淤莫展金僕姑近聞殺官兵復北道路誼
傳真有無安能飛刀取賊顱貂裘白馬還京都

義魚行

漢江七月黃水漲男婦義魚立江上岸斜波緊煦泡
轉千人目側精相向巧者十义五义中血飛銀尺翻
金浪鯿魚中义獨更穩頓之泥沙半倔強我舟其時
行邁此仰視皇天色惆悵深山藥苗孰流汝一毒江
河萬形喪鯿鮓糜爛不直錢小瑣暴棄同蚶蜆走鯢
吞泓若山滾蹴踏猶能開浩蕩渡子徒誇好身手如
飛快槳誰曾傍夜風大聲吼盤渦地坼頽洞脰鼉鼉
如甕之蛟手可得蛇龍豈復安巢窩消息定理魚奈
何

襄陽歌

空同集
烈風夜行峴山道天陰城空鬼鳴嘯蒹葭委折波濤
白通濟橋頭老鷓鴣人言黃昏虎搏牛牛虎兩傷歸
各憂萬事豈爾能前謀不如置之寬且休君不見百
足之虫光如虹雷火燒死枯樹中

其二

峴石巉巖孤根深下盤厚土雲氣陰中有千萬竅突
如風來遇之如笙琴昨當醉狂推撼此天地忽然爲
之動山鳴鬼哭百獸吟我時便欲驅使六丁移之去
家遙屋卑無頓處於乎一石且無頓處徘徊歸來日
沉樹

其三

襄陽山勢何所似東如翥鳳西虎蹲墓堆壘壘不空
地於中豈少英雄魂大堤先前花艷時朱樓細柳黃
金羈但看舊園歌舞處掘發金釵知是誰君今有酒
不飲恨不駟馬軒車馳縱及金張許史將焉爲身後
埋沒蒿草疇見知

其四

昨來三日雨不住逢人面色如地皮老龍之堤豈易
打襄陽難是養魚池南倒江勢雖洶湧我堤如山撼
不動但慮禍患起細微丁寧疆吏防螻孔我聞斯地

連年乖雨暘二麥乾死秋禾傷衆心詢詢久未定小
兒何得跳商羊天公好生民壽康

苦雨篇

波濤日陷蛙鳴起梁園一夜滿城水屋廬半塌塌人
死可憐哭聲水聲裏憶昨出飲黃昏歸零濛已灑力
尚微豈知中宵鬼神怒雷翻電滾雨如注我時怵惕
不得眠牕燈撲殺無計燃洶湧一任霹靂走恍惚若
有蛟龍纏地軸震仄久益急披衣起坐坐復立雞鳴
氣勢幸稍緩積漸天明日光入琴沾書濕開我堂二
儀高下雲低昂黃鸝晒翅燕語梁前何恐懼今何康
萬事夷險誰豫量及時弗樂頭顱蒼

苦雨後篇

小兒嚙啞始學語育之後屋逢今雨包裹移置夜我
旁兒驚屢叫安之乳霆雷號號屋瓦震疾電繞床亂
走鼠大兒明農隔城住卽有緩急誰視汝旦日報至
心則降雨未傷人傷稷黍前時三月點雨無大兒憂
色禾半枯日日望雨雨反茶盪然猷畝爲江湖天晴
微風波水動溝渠四注長河湧明晦反覆何代無囑
兒更備宜秋種

久雨柬黃子

微晴見月月仰瓦城中水淹雨猶下郊園浹句不一
出不畏衝泥畏沒馬苔蘚自上匡氏壁蓬蒿日深仲
蔚舍人言甲子船入市幸君豫問能舟者

初雨夏甲子也

種竹

自從有竹水爛死使我竟日顏不歡頃來移置復傍
此遽覺六月回秋寒龍姿鳳苞生不易可憐蕪沒今
人棄窈窕郊園草樹中何人道有凌雲器

放蛇引

花蛇錯落五色備毀垣掘出蛇驚悸昂頭宛頸若有
訴盤旋瞥換如奔避深山大澤豈無窟荒郊短草真

何意豺虎公然白晝行花蛇何得更縱橫祗知毒口
能戕物未解皇天實好生洪流自古容微細吾此園
丁縱蛇逝風驅雷霆急雨過彩虹倒掛青天霽

歲暮四篇

天霜草枯風波濤愚心恐懼賢心勞羣聚飢獸野鳴
號高飛路逆鴻嗷嗷有狐河梁聞且得水行綏綏柰
爾曹

其二

百騎橫矛血提刀我軍菜色馬蝟毛誰謂河廣不容
舠北旗獵獵風黃蒿可憐十羊抗一虎塵沙暗河暮

淮浦

其三

長風烈烈吹山寒有松瑟瑟山之端鋪蕤布蔭芘小草霜勢雪力莫可干臯蘭畹蕙日摧隕美而不遇良可嘆

其四

枯蓬飛沙原野昏律窮物慘生意存向夕氣嚴扃我門霜白月凍啼夜鷗圍爐煨芋啖濁酒有話細與妻兒論

徒涉嘆

兩山欲交水斷破洪川無梁日漸墮徒涉紛紛江復深鼉喧龍鬪真愁心無言既濟平安子得路回看轉不禁君不見岼風翻翻卷瓠葉皇天倘賜築巖楫

松泉子歌

顛岨嶮嶮嶮嶮撐一松鐵榦屈曲如老龍精靈歲久發光彩寒蕤古翠芙蓉峰石泉清冷日漱洗泪瀾瑟瑟松風裏山人何年住其側手斲伏苓煮泉水近來蕭灑落風塵賣藥救世能通神我勸山人且勿歸金龜玉七行陽春

飛星篇

十月廿七昏尚坐一星出垣如斗大碎光萬點長燭
天軒牖盡明向西墮俗子蒙頭不讀書魯人鐘鼓拜
爰居天道悠悠誰復知世間魚目爲明珠

吟思翁

吟思翁翁我思蒼松碧梧世希有海月紅雲如見之
孤鶴引唳志在萬里吞舟之魚豈遊涔水嗟嗟噫嘻
我思者翁翁思者何停雲日暮滄溟波

鈴山堂歌

先生昔隨玄豹住丹壑冥濛日烟霧先生今與赤龍
飛南望碧山空翠微茅堂蒼蒼雲氣入囊琴鎖戶陰
陰濕沚蘭沙溫春鳥暮庭松月清夜鶴立君不見山
下石崖巖千尺磯經年不釣苔成衣玉璜半裘各有
分可問王孫歸不歸

壬寅仲秋宣城梅守箕永嘉何白參校

空同子集

卷之十九 終

空同子集

卷之二十

北郡李夢陽撰 東莞鄧雲霄歛潘之恒蒐校

詩類四之三 七言古

送何舍人齋詔南紀諸鎮

上元訪杜鍊師

奉送大司馬劉公歸東山草堂歌

二月四日部署宴餞徐顧二子

七峰歌壽范郎中淵

送人還關中

寄兵備高僉事江

寄內弟玉

雪東鄭生

吁嗟行示周生

送鄭器

寄鮑宇

三鶴歌為丘三公壽亦載厥實事焉
君不見贈鄭莊

嗚呼行寄康子以其越貨之警

送席副使監貴州屯學二事歌

送鮑激還歛

送鮑相如金陵

君不見贈馬僉事應祥

得馮御史允中書

秋夜徐編修宅宴別醉歌

發京別錢邊二子

東園翁歌

苦熱柬屠叅議

白鹿洞別諸生

豫章遇鍾子送贈

董公衙賞緋桃行

得家書寄兄歌

寄鄭生歌

余鄒二子遊白鹿書院歌

戲贈周紀善

龍沙行別袁生

潯陽寄毛君湖口

鄭生山遊歸予作此歌

丈人行

鶴癯子歌

寄殷給事中歌

送田生赴京歌

送陳冠歌

芝梓行

劉子有金陵之差遂便覲省

送仲副使赴陝西

徐子將適湖湘余實戀戀難別走筆長句述一

代人文之盛兼寓祝望焉耳

龍州歌送沈編修使安南

漢江歌送范子之桂陽

聊城歌送顧明府 畫鷹歌贈鮑帥

右次贈酬四十七首

七言古三

贈酬一

送何舍人齋詔南紀諸鎮

先皇乘龍去不返悲風慘淡吹宸極四海哭若喪慈
母百官狂走天爲黑憶昨臨危坐御床手挈神器歸
今皇密語丁寧肺腑裂三老親聞眼流血金滕立剖
石室秘此事難從外人說我君謙讓不可得割哀踐
阼弘祖烈日月重懸萬國朝雷雨赦過羣方悅越南
海北霹靂動蠻夷盡奉王正月此時九道使臣出舍
人亦輟螭頭筆白馬朝騰薊北雲錦帆暮閃江沱日
江沱秋交多烈風洞庭雲夢俱眼空巴陵縣令舍人
兄接詔會第西樓中童年題詩在高壁六載不到紗

爲籠南嶽以南惟峻山苦蒸毒霧何盤盤天王新令
雷電掣妖蛇不敢啼林端五溪官長喘喙拜黔州父
老垂淚看却瞻蒼梧雲氣黑斑竹臨江怨幽色翠華
縹緲空冥間此時此恨誰知得君不見馬援柱孔明
碑剝落黃蒿裏千年莓苔待君洗萬里之行自此始
歸來何以獻天子

上元訪杜鍊師

宣皇昔時乘八風御龍遊戲行煙空馬前兩兩侍玉
女別館多在蓬萊宮朝天宮中舊時殿樓臺畫鎖無
人見琉璃井塌青苔滿松柏森森月如練嗚呼往事

難具陳燈火如山又一春北斗壇西訪隱淪我師黃
衫白氎巾坐我更致西樓賓玉杯瀲灩赤瑪瑙織罽
四角銀麒麟酒肉山堆滿堂醉仙厨往往來八珍孝
宗之朝五真人師也磊落當其倫自言召見親賜食
曾把丹書獻紫宸如今寂寞看春色銀魚玉帶無消
息豈惟魚帶無消息欲語吞聲淚沾臆勸師對此莫
酸辛世間萬事如轉輪且將芝草供生計聊與煙霞
作主人月徧彩雲當牖生旋呼兩童吹玉笙聞師妙
得逡巡術百壺倒盡還須傾古來仙子向誰在飲者
翻垂千載名名垂千載亦區區酒闌燈昏夜復徂不

見秦陵草已宿春生樹啼雙老鳥此時亦應羣帝趨
金燈翠旗光有無

奉送大司馬劉公歸東山草堂歌

東山有草堂縹緲雲嶠孤前對祝融峰下瞰巴陵湖
明公昔時此堂居麋鹿豕當窻趨洞庭日落風浪
湧倒影射堂堂欲動慘淡誰聞紫芝曲獨善不救蒼
生哭先帝親裁五色詔老臣曾受三朝祿此時邊徼
多戰聲曳履謁帝登承明謝安笑却淮淝敵魏相坐
測單于兵九重移榻數召見夾城日高未下殿英謀
密語人不知左右微聞至尊美自從龍去不可攀公

亦臥病思東山湘娥含笑倚竹立山鬼窈窕堂之側
上書苦死只欲歸聖旨優容意悽惻內府盤螭縷金
織賜出傾朝皆動色白金之鋌紅票記寶鈔生硬雅
翎黑崇文城門水雲白是日觀者塗路塞城中冠蓋
盡追送塵埃不見長安陌人生富貴豈有極男兒要
在能死國不爾抽身早亦得君不見漢二疏千載想
慕傳畫圖卽如草堂何處無祿食覩竊胡爲乎乃知
我公真丈夫嗚呼乃知我公真丈夫

二月四日部署宴餞徐顧二子

春日載陽官署幽東吳二子過我游庭空日斜吏人

空同集
散窅然何異經林丘今晨驚蟄暖氣達昨夜哀鴻呼
故儔中庭古槐蒼蘚溽上有百鳥何啁啾倉庚交交
刷其羽君看巨細各有求明時冠軒幾邂逅得暇胡
不攀淹留自從去年識徐顧令我意氣傾南州徐郎
近買洞庭施顧子亦具錢塘舟浮生飄轉若飛藿倏
忽聚散誰能謀風光爛熳况復爾願寫清壺銷客憂
故人苦稱不好飲舉杯入脣還復休妙歌時時激慷
慨鄙夫何以答綢繆嚴柝沉沉靜夜色北斗倒掛城
南樓祗恐天明驅馬出攬袂延望河之洲

七峰歌壽范郎中淵

我聞桂陽江上峰平地突出七芙蓉三峰岩峩如列
戟四峰裊裊翔飛龍孤水東來走其下上巖下巖惟
古松有時雲霧滿四壑洞中仙侶時相逢使君磊落
中行後家傍前峰對江口暗想精靈盤礪初嶽降生
申理或有平生氣與蒼壁高落筆煙霞常在手六載
爲郎不愛身五十生兒將白首湘南新鮮紅勝玉燕
京高會多名酒歲歲登堂娛笑笑歌我七峰爲爾壽

送人還關中

得萬字

君不見劉毅貧時一擲常百萬君不見唐時鄭虔道
高坎墮腹無飯英雄際會各有時人生豈必皆如願

關中老翁燕薊客昔何慷慨今何怨王通無媒畚叩
關揚雄有賦何由獻君歸射獵南山麓得錢且學樊
侯販

寄兵備高僉事江

三月無雨乾殺麥六月雨多禾耳黑長江浪高蛟龍
鬪淘河鷓鴣啼清晝此時憐君備吳越天陰不見日
與月白衫鹽徒慣風濤我軍慎勿貪倉猝

寄內弟玉

自汝林居將一月我心不寧長惓惓郊寒歲暮風色
苦曠野無鄰天雨雪亟欲載酒往問子水路難行畏
踏跌豈無輕裘與快馬玉也視之如敝屨此道於今
識者稀勸弟寬懷慎藥物

雪柬鄭生

夜來雪花如掌大無事閉門但眠臥僵牛死馬非所
慮天翻地裂疇能那近時好事最者誰徽州鄭生差
愛我甕頭春酒不餘瀝天明梳洗午尚坐北風其涼
二儀閉雪吹飛沙映天過老夫畏寒况無力生也乃
是雄豪佐梁園之陌平若掌放兔呼鷹無不可不然
騎驢學爾祖乘興一鼓山陰柁

吁嗟行示周生

吁嗟周生千里駒今行不得如蟾蜍雖有寶劍寒吹
毛一日不遇成鈇刀子不見豐城紫氣干雲霄鹽車
之下多悲號張華伯樂行相遭

送鄭器

梁園仲冬雪積阻慘慘風亂平沙樹泥深馬瘦不得
行縹緲金陵在何處青絲絡酒提玉瓶強出送子城
東亭旦望淮河暮江水雲飛鴻鴈天冥冥

寄鮑宇

愧我夷門草堂寂種菊蕪穢生蓬蒿爾家華堂近江
澣開花爛熳秋雲高去年此日同爲客今年對菊遙

相憶黃山練水在何處獨倚南牕望南國

三鶴歌爲丘三公壽亦載厥實事焉

老鶴東來度海水與雌俱飛引其子回翔萬里始一
息丘家麥田澤泚泚道遙洗濯飲食足炯如煙雪無
泥滓此鳥千年丹始成口銜赤玉蒼龍精落地化作
金光草采食還丹毛骨輕古來拔宅將妻子肯使丘
翁地上行

君不見贈鄭莊

君不見江上鴈嗷嗷喚儔侶勁羽輕毛常趁風往來
漂泊如羈旅男兒落地既有身誰能齷齪猶婦人懷

空同集
八
中有劔亦不貧吳下阿蒙君莫嗔

嗚呼行寄康子以其越貨之警

嗚呼皇天不可測一冬無雪春無雨黃霾翻風白日
動前飛禿鶯後飛鴇堂堂古路長蒺藜萬家之城走
豺虎百姓誅求杼軸空兒號女啼守環堵饑寒盡化
爲盜賊可惜良民作囚虜腰弓帶箭百成羣少年馳
馬仰射雲蒼山日落行旅稀醉唱胡歌各自歸山東
趙實已授首南陽回賊同猪狗諸君但欲樹功業玉
石俱焚理或有近者內丘大寧河橫賊八騎持干戈
裕州知州與賊戰康也扶柩衝之過資糧蕩盡僅身

免月暗天昏路途遠吉人作善眷輒軻痛哭寒城白
雲返頃聞留滯在襄國百口仰給縣官食吾兄匹馬
走問之半月更復無消息夜立中庭北極高書看河
朔風沙黑汝寧以南土尤赤空城二月生荆棘卧米
可以換嬌女牛馬餓死枯蒿側比來官吏守空印拖
男抱女盡向北卽防此輩更充斥恐汝後歸歸不得

送席副使監貴州屯學二事歌

席名書字
文同蜀人

我昔在北京送君向河南豈料在河南送君如百蠻
瘴雲蒼蒼途路艱牂牁羅施皆峻山法官要自褰帷
入倏忽開明衆山出大抵夷狄似禽鳥制之雖勤忌

空同集 九
拘急此曹亦是人心性頃來漸慕衣冠習文翁化蜀
豈無本李牧屯田務招輯所恨故人限萬里令我蚤
夜心於邑丈夫已際飛龍會野人猶抱枯魚泣感新
懷舊心肺酸萬事回頭百憂集弘治之間時世異與
君次第陳封事許身謬比漢賈生推君每稱唐陸贄
朝回對坐香爐省出門並結青雲轡自從分手哭遺
弓縉紳漂泊余亦同抱甕梁王修竹園遺址宋帝蓬
萊宮生涯放逐似羈旅混迹迂腐隨村翁曾聞伏櫪
有老馬豈卽道路傷秋蓬天下瘡痍况未息西南貢
篚防難通杜鵑向識君臣禮蛟龍終收雲雨功相如
諭蜀文章壯馬援平交德業雄扶危濟弱付公等臨
歧悵望天南鴻

送鮑激還歙

昔時賢達或未遇途路坎坷常固窮鹽車騏驥亦拋
棄人生豈得無西東君年五十猶未通江湖去住隨
飛鴻黃山紫陽日索寘題詩蚤向軒轅宮

送鮑相如金陵

去冬君行雪積阻相送城東念羈旅今冬相逢不逾
月再別令我情更苦金陵市頭酒如蜜此去酣歌與
誰侶我在梁園獨岑寂莫教碧草生春渚

君不見贈馬僉事應祥

君不見庭中樹今冬憔悴春作花君不見桑上草含
陽籍土抽紫葩富貴詎有種貧賤豈無涯君今身為
指南車何不留之殿京華北游漢水南長沙君雖在
漢水與長沙高不愁虎卑無蛇

得馮御史允中書

鳳皇不識梧桐樹一落蓬蒿鳥雀欺滄洲鴻鵠長毛
羽縱有雲羅奈爾為昨日郴陽馮侍御臨流寄我錦
雙魚黃河峻嶒雪十丈過臘逢春始得書開緘不見
下江舸梅花滿枝空淚予

秋夜徐編修宅宴別醉歌

徐郎三杯拂劍且莫舞聽我擊節歌今古曲長調悲
不易竟天地熒熒月東吐燕山八月風力怒落葉交
加映尊俎愴時感事百憂集死別生離同一苦身逢
累朝全盛日弘治之間我親覩朝廷無事尚恭默天
下書計歸臺府五陵鞍馬速雷電千官氣勢如風雨
却憶年年秋月時日與爾輩同襟期如澗之酒差快
意袒跣呼號百不思絃張柱促衣冠禍綜覈崩奔學
士疲倉皇世事難開口物極則還理宜有羸疾已分
沙田草遭逢復折都門柳富貴在天得有命人生反

覆如翻手不見去年臨別處吞聲躑躅鶯求友邂逅
寒暄不自知隔絕榮華爲誰守歌殘酒乾天欲曙門
外驪駒已西首哀鳴胡鴈亦南飛露濕羣星朝北斗
發京別錢邊二子

東園翁歌

東園翁今六十餘面常泥垢髮不梳身藏寶劍人不
識反閉衡門讀古書此翁十五二十時款唾落地迸

成珠陸機不敢以伯仲管輅警敏空嗟吁生鱗卽與
蛟龍伍未汗寧同凡馬趨爾時射策黃金闕三百人
中最英發驂駟舉足狹萬里便欲登天攬日月豈知
德尊常轍軻獨買扁舟泛吳越三十年來萬事變富
貴於我真毫髮歸來灌園種瓊花荷鋤自理東門瓜
夜眠海月掛丹牖晝看江風滾白沙遼東合有逢萌
宅齊西再覩陶朱家北郡李生三十六擯兵高歌臥
空谷前輩後輩道豈殊同坐同行限江濤東望東園
亂心曲安得逐爾騎鴻鵠

苦熱柬屠叅議

空同集
豫章之熱真毒淫六月已破仍不禁赤雲行空日在
地萬里一望炎煙深東蒸扶桑榦欲槁黑河水乾龍
不吟院松亭亭我所愛比遭摧炙無好陰縱令跣足
欲何往此地寸冰如寸金層簷大厦尚喘喙矮屋茅
堂淚滿襟滕王有閣高百尋閣下澄江清映心紫薇
使者臥其上卷幔恰對西山岑赤脚門子搖大扇行
坐吟哦揮素琴幾欲往訪簿書積豈我無酒同誰斟
亭午蘊隆潭水沸蛟蜃下從鼃鼃沉何況走原獸棲
枝禽嗚呼豫章之熱其苦有如此而我胡爲營營與
世爭華簪

白鹿洞別諸生

東南自有匡廬山遂與天地增藩衛山根插入彭蠡
湖崢嶸背殺三江勢地因人勝古有語於乎萬物隨
興廢學館林宮容不棲千巖萬壑堪流涕文采昔賢
今尚存講堂寂寞對松門松門桂華秋月圓拄杖高
尋萬古源梅嶺古色照石鏡扶桑丹霞迎我軒絕頂
坐歌霜月淨石潭洗足芝草繁更有冠者五六人峭
崕窮嶂同攀蹇草行有時間過虎旦暮時復啼清猿
我今胡爲公務牽蟋蟀在戶難久延出山車馬走相
送落日遂上鄱陽船生徒繆戀集涯潏孤帆月照仍

留連情深過厚亦其禮誦薄竊愧勞諸賢明朝伐鼓
凌浩蕩五峰雙劍生秋煙

豫章遇鍾子送贈

豫章八月江勢輕水關行馬沙背平聞君纜舟挽君
住向夕惡風銀浪生頃時收帆萬船集波顛石倒蛟
龍立中流艤子獨何意歆歆猶搖雙槳入天清未風
君已迴帆色迢迢萬里來拂衣漢口鳧鴈亂擊榜南
浦芙蓉開漢口逢君又南浦人生聚散風中雨黃石
公赤松子在何所君今抽簪我簪組

董公衙賞緋桃行

吁嗟董公垂老官不遷途雖坎坷志不變三歲提兵
兩列銜此事堪傷亦堪羨二月南風捲章水黃昏西
省開芳宴刑司軍司皆集衙盆中緋桃俄放花董公
捋鬚向客誇客起環視咸咨嗟情酣展轉移燈照酒
氣撲花花欲笑逢人合與世醅酹衰顏苦被春勾調
君不見玄都觀裏樹不與武陵源上殊時來開落各
異地董公董公今宵與客且倒花前壺

得家書寄兄歌

三年路遙消息阻緘書實凍兄心苦鴻鴈無愁奮翅
難鶴鴒且暫遊寒渚時望東湖西日微雪冬廬嶽北

思歸獨虞四海干戈滿生別悲傷見面稀

寄鄭生歌

南康烈風無時休將歸船滯增煩憂空城雪埋狐兔
走十日凍合鼉河洲廬山咫尺不得往汝在梁園獨
予想開緘歎恨東遊阻琅玕天姥春空長

余鄒二子遊白鹿書院歌

洞原路水山徑微二子曰遊過夜歸巖宮古刻徧覽
讀馬時蹉跌泥在衣頃來烈風號季冬雪霾不見五
老峰苦心數子守寂寞我病講堂虛鼓鐘二子此行
真特竒異時獨往今可知虎吟狐啼且不懼肯使楊

朱泣路歧

戲贈周紀善

廣文先生何爲者十欲出門九借馬只今徒步襄水
濱衰鬢漠漠常風塵鳳皇在笄雞啄食首宿闌干半
青黑君不見楚筵醴罷暮歸來甌塵妻子無顏色

龍沙行別袁生

君不見玉虛觀前松去年凍乾今復生樹靈力排雷
雨會榦大每與蛟龍爭下有萬古不定之龍沙風滾
無時休英雄奮發各有時運至賈販皆公侯腐草尚
爲螢何況堂堂七尺軀萬物之靈高牙大纛苟不我

石泉白雲誰復爭舉眼江漢鴻冥冥與爾倒此沙頭
瓶

潯陽寄毛君湖口

大江六月涼風發匡廬清波滾明月削出萬朵青芙
蓉水底搖動金銀闕美人盈盈坐湖縣昏叩石鐘曙
晞髮悵望迢迢碧雲合早晚扁舟向蠻越

鄭生山遊歸予作此歌

跂予望之六六峰欲往爭柰今嚴冬石林崎嶇積雪
盛日中無煙虎豹病生也孤往胡所希凍攀幽嶮探
其微手皴面黑逾旬歸太室少室何者奇曾否首陽
歌采薇北却透迤清洛遠天白冰崇伊闕晚灞上騎
驢爾靡辱袁安高臥吾應覩忽然想生經行宋家陵
往來寂寞東西京翹首淚下嵩山青

丈人行

丈人九十牙齒存行曳竹杖挈玄孫只知灌園同漢
陰何須采藥游鹿門山房春歸碧草萋蕙帳月白露
滿蹊少微星沈湖水湧松林夜夜猿嘯啼

鶴癯子歌

鶴癯子汝人也而何爲乎鶴形美髯修修雙瞳青閉
肆夜讀黃庭經晨出荷鏡掘茯苓鶴癯子汝豈無萬

空同集
里骨刀劍翮路遙朋寡日云暮弱水蓬瀛壯心隔君
不見江中老龍亦高臥鶴乎鶴乎誰汝那

寄殷給事中歌

斑鳩賦形百鳥內化爲蒼鷹百鳥避秋空萬里試一
擊灑毛紛紛稱鷹意迴旋簸蕩風沙開海寧光清鸞
鳳來天地炯炯元精回此以贈君君毋猜金陵雖隔
黃金臺汝翊紫蓋臨三台飛章御覽不十日道路聞
靜豺狼哀憶昔匹馬長安走殷何徐陸皆吾友楚姬
娉婷華色並殷生稜眉獨方口何郎短小亦不醜此
離今各經年久夢寐猶存上苑花飄零寂寞西湖柳
丈夫致身貴不朽陟要階華亦何有賈誼才名信早
知姚崇相位非難取大江滾滾東北趨羣龍霜鬣鼉
叫呼汝登鳳臺念老夫爲我致一鳳之雛我不敢玩
亦不敢狎誠心餽飼毛羽全使聽簫韶翔舜都

送田生赴京歌

正月八日天驟黃大風晝晦沙飛揚河水慄烈人不
行駕鵝鵠鴈交踉蹌黃鵠呼曹厲毛翼一舉橫天向
天北君不見左生北上田生俱長安走馬花九衢

送陳冠歌

虎子墮地氣已麤驂騮汗血自爲駒陳生垂髫骨卽

空同集
殊雙瞳炯炯唾成珠前年汝與計吏俱承明謁帝未
生鬚丈夫志欲日月並雲雨且使蛟龍須冬風獵獵
吹楚湖憐汝送母催楚艫調羹臘盡江門水戲彩春
停汴上都憶昔乘驄按南國汝在諸生獨英特三秋
自阻北飛鴈萬里今逢舊顏色私計彭宣晚必親敢
言裴儉前能識寒溫始知君子厚杖屨畚增世人惑
瓠子柳烟風日和力疾送子臨黃河汝親日望泥金
使老夫擬作瓊林歌

芝样行

崑崙子之來也李子觴焉及夜瓶芝自墮以爲

样行觴焉平可繫二觴行之穩持之輕客大駭
笑歡盡醉而李子賦詩

霜嚴夜清月在南燈明酒溫客氣酣銅瓶玉芝鏗墮
地客將傳玩誇神異仰芝把蒂行金杯蒼文古紫當
筵開已驚歛灑茵茵動更詫屈錯蛟龍迴憶芝初出
盤精氣雲流石立魍魎避赤箭琅玕色盡枯神詞鬼
守求非易泄秘真遭天地怒懷珍顧使時人忌自從
獲芝升我堂琴書几席俱輝光晴日徐看瑞氣合炎
天每挹仙雲涼燕山豪士來何方悲歌起舞宵未央
芝乎自銜亦太異頓令四座深杯觴觴行逶迤月轉

白月色芝光巧相射
醅醕觸擊瑪瑙碎淋漓
迸落真珠赤君不見玉屈卮
金叵羅珠花繡草枉自艷
停杯聽我芝样歌

劉子有金陵之差遂便覲省

使君昔居紫荆關日登燕嶠望吳山
逢人顏色鬱黯默對酒涕泗交潺湲
使君南向金陵去孤帆夜拂春天樹
旅枕常欹月落時夢魂先到雲飛處
揚子江頭青草斜大孤山前開杏花
行人三月重回首游子一年初到家
出門烟草滿芳甸鳳皇臺接麒麟殿
遊陌聯翩追宿娛墨場婉戀羅賓燕
人生意氣無南北白

馬青袍動五色印看義何三五頁成最闊允映重山則

鍾山翠嶺壓秦淮
燕趙風雲入望來
芙蓉秋鴈多愁思
問君何日錦帆迴

送仲副使赴陝西

驄馬白玉鞍長鳴下雲端
今朝發汴水何日到長安
孝王臺前雪如山垂楊掃地春風還
使君不帶冰霜色却帶春風入漢關
相思明月樓西望古秦州河南咫尺不可見
何況千山萬水頭西望秦州是我鄉
隴樹秦雲空斷腸
塞帷仗鉞經行地欲寄雙魚到慶陽
徐子將適湖湘余實戀戀難別走筆長句述

空齋集 卷二十一 一代文人之盛兼寓祝望焉耳

崢嶸百年會浩蕩觀人文建安與黃初叱咤皆風雲
大曆熙寧各有人戛金敲玉何繽紛 高皇揮戈造
日月草昧之際崇儒紳英雄杖策集軍門金華數子
真絕倫宣德文體多渾淪偉哉東里廊廟珍我師崛
起楊與李力挽一髮回千鈞天球銀甕世希絕鰲掣
鯨翻難具陳洪川無梁不可越日暮悵望勞余神徐
郎生長蘇臺陰二十作賦雄海濱竭來抱玉叩閭闔
長安繡陌行麒麟是時少年誰最文太常邊丞何舍
人舍人飄颻使南極直窮金馬探瀘津爾雖不即見

顏色夢中彷彿形貌真余也潦倒簿書客諸公磊落
清妙身大賢衣鉢豈虛擲應須爾輩揚其塵休令黼
黻怨岑寂要與琬琰增嶙峋海陵先生雅愛士晚得
徐郎道氣伸喬王欵接雖不數邇聞亦欲來卜鄰驂
騶造父兩相值一瞬萬里誰能馴都門二月芳草發
御溝楊柳垂條新徐郎縮牒將遠適使我旦夕生悲
辛爲君沽酒上高樓月前醉舞梨花春天明掛帆向
何處鴻鴈哀鳴求故羣南登會稽探禹穴西浮湘水
弔靈均洞庭波寒木葉下峽口風急猿嘯聞司馬太
史有遺躅歸來著書追獲麟

龍州歌送沈編修使安南

龍州南接六那溪白鷗黑猿相間啼烏蠻灘頭苦竹
密伏波廟前春日西揚旌走馬迎天使擁節封王壯
漢儀試向殊邦觀禮樂交南元是舊邊陲

漢江歌送范子之桂陽

漢江江上鷓鴣鳴漢江遊客無限情青山落日下帆
影芳草月明聞櫂聲黃鶴磯頭暮雲盡鸚鵡洲邊春
水生莫倚仲宣能作賦洞庭南接桂陽城

聊城歌送顧明府

聊城纍纍枕桑野使君懷古聊城下龍蛇慘淡七雄
鬪當時誰是排紛者海東隱淪難見面平原不見安
平見已聞笑却邯鄲軍還遣書飛燕將箭平生急難
輕列侯功成豈必千金酬只今往迹浮雲盡遙矚滄
溟日暮流

畫鷹歌贈鮑帥

鷲鳥決背如愁胡猛將氣每吞匈奴自將黑鷹掛堂
壁百鳥窺之不敢呼安得此鷹生卽起擊兔擒狐日
千里將軍彎弓騎紫騮一箭射天落旄頭

臨川謝廷讚豫章李鼎銓定

空同子集

卷之二十一終

空同子集

卷之二十一

北郡李夢陽撰 東莞鄧雲霄歛潘之恒蒐校

詩類四之四 七言古

朝飲馬送陳子出塞

胡馬來再贈陳子 張將軍塞獵歌

送仝儀賓朝天歌 送田氏

贈鄭郎 太華山人歌

相逢行贈劉按察麟

王郎行 郭生行

結交行贈李沔陽 蕙苴行贈王氏

空同集
一
徒步東行贈鮑激

夏日田居蘇生攜酒見過

送人使安南
有鶴篇贈翟翁

賦得姑蘇臺送李推官士允

送王子歸鄆杜
贈鄭生

石峯子歌
寄寄庵子

龍仙引贈駱員外
送李中丞赴鎮

雨燕醉歌

顧侯寄陳留公砥柱障子并詩予爲作歌

雷電行贈憲卿何公美其伐也

送兒詩四首
邊馬行送太僕董卿

風沙篇送王生北行

贈張帥
贈鮑帥

白河篇送李南陽
汴河柳送沈生

王孫餽冰詩以酬之

贈趙將軍
贈胡石陵

贈滄洲道人
送李帥之雲中

贈張生
送王封君還四明

何儀賓生日贈歌
七夕贈王昌程誥

再送沈生

右次贈酬四十六首

七言古四

贈酬二

朝飲馬送陳子出塞

朝飲馬夕飲馬水鹹草枯馬不食行人痛哭長城下
城邊白骨借問誰云是今年築城者但道辭家別六
親寧知九死無還身不惜身為城下土所恨功成賞
別人去年賊掠開城縣黑山血迸單于箭萬里黃塵
哭震天城門晝閉無人戰今年下令修築邊丁夫半
死長城前城南城北秋草白愁雲日暮鳴胡鞭

胡馬來再贈陳子

冬十二月胡馬來白草颼颼黃雲開沿邊十城九城
閉賀蘭之山安在哉傳聞清水不復守遊兵早扼黃
河口卽看烽火入甘泉已詔將軍屯細柳去年穿塹
長城裏萬人齊出千人死陸海無毛殺氣蒸五月零
冰凍河水當時掘此云備胡胡人履之猶坦途聞道
南侵更西下韋州固原今有無從來貴德不貴險英
雄豈可輕爲謨尚書號令速雷電抱玉誰敢前號呼
遂令宵旰議西討茲咎只合歸吾徒我師如貔將如
虎九重按劔赫斯怒惜哉尚書謝歸早不覩將軍報

平虜

張將軍塞獵歌

將軍堂堂七尺軀虎頭昂藏紫虬鬚據鞍笑撚金僕
姑弦鳴仰墮雙飛鳥南平川漢北殲胡蛇矛臥地刀
劍蕪朔風吹霜塞草落馬騰士奮于狩作將軍夜令
晨步同積沙黃黃日色薄部下游擊五千人競時爭
能各有神驅飛翼走入我網千隊萬隊何駢駢氣酣
前赴逞一決零亂旌旗倏明滅殺氣上回靈武雲火
烈直透天山雪張公觀此番遼巡紅衣白馬如神人
衣也蟠麟金麒麟朝廷所賜榮功臣攔頭報捷者誰

子手提禽獸血滿身生截罷豹纍雉鶉中軍小校額
抹巾見之一騎風起塵左射奔鹿右斃豕更追狡兔
趨窮榛張曰於乎奚用是昊天肅殺存至仁縱金按
節止中野燭脂魚鮮燕蒐者禮樂行軍分自嚴賞罰
正簿誰能假何地真收吐谷駝一卒乃獲大宛馬長
城窟冰胡鴈稀輕輦緩吹諸部歸懸戟慘淡鴉鳥委
垂鞍礮礮熊兕肥少年猶忿殺獲微翻身鼓弩追雲
飛我聞蒐狩古侯禮三驅六御今何以纘武雖存于
貉文戒荒合避長楊侈將軍抹馬厲部士爲防西北
烽烟起

送全儀賓朝天歌

風吹黃塵暗河甸行子拍馬來相見春寒晝陰沙冥
冥九衢散亂花如霰自言手捧紫瑤函馳軺謁帝黃
金殿錫壻當朝禮覲同往來遣答猶親面南陽貴人
骨固殊敦親倍錫明光宴八議逕微實惋惻時情詎
識皇心眷開函爛熳百色備龍盤鳳曲流雲氣繡女
咨嗟鋪緒工體裁昭合三宮意吳羅疊雪祗懷赧南
金象齒堪沉避自離京國十年餘每懸金闕憶金魚
班行日侍諸王聘混一曾瞻萬國書君過上林聊駐
車春風舊樹花應舒有暇更欲問西湖掃地垂楊今
有無

送田氏

寒城野霜鴻嗷嗷羊腸木零熊豹號彼汾沮洳望心
勞葭菼委折風波濤山西刑司氣何豪西邁白日行
旌旄七星丸丸明佩刀君不見黃河飛雲立如蓋一
鷗乘之向并代

贈鄭郎

郎來張拱向我揖玉樹亭亭我旁立叩之論語背誦
畢曲禮幼儀汝能習黃河柳綿飛欲盡練水桐花放
將及汝父昨來今汝歸有琴在抱書在笈君不見師

山後人代非之勉旃無效羣兒狎

太華山人歌

山人昔居太華峰結屋玉井餐芙蓉夜隨金精朝白
帝誤擣天鼓撞鴻鐘帝怒謫之荒江濱淚添江漢齊
朝宗閭闔九重豹虎蔽霜雪十年鴻鴈冬江邊諸山
不可眼夢寐猶跨雙茅龍有時夢到西嶺坐環海內
物盡么麼一線黃天涇渭流拳石白晝岷峨破翳鳳
驂鸞覲玉京羽節雲輶度婀娜織女虛無指前路沐
髮有益不借我山鬼含笑倚巖立仰看明星斗如大
浪帝鮀吟萬壑靜山人歸來淚交墮

相逢行贈劉按察麟

一別六年不相見風塵歛靚劉郎面西關官亭車馬
都使君驄馬朱雀符有虔秉鉞映交衢把臂道故情
鬱紆仰視高天白日但憶昔同殿含香趨萬事反覆
難具鋪秋風颭颭響枯樹蛟龍立鬪黃河怒舟子無
憂泱甸阻大夫且試登高賦城南柳徑梁王苑廟門
書院松林晚此時與子臨高臺邊侯綺席金尊開芒
碭微雲氣出沒但見悲風萬里從東來寒空孤鴈叫
且哀鴝鶒鼓翅號其儕飛沙激霧相徘徊願賓與主
醅酌歸不見昔時杜甫與高李三子者氣壓百代今

塵埃

王郎行

王郎行者贈王氏二郎者也王郎將試於有司
予於是賦王郎行贈焉夫子賤君子稱之魯碩
人族類彰諸詩蓬麻自直事有本因予故侈其
家世并及其父子兄弟之間

將軍開國弓劍傳子孫章甫能朝天相國沉冥二十
年懷寶弗售人所憐飛纓躍馬赫動地公也視之如
浮烟雅歌日醉金尊前生有三男子不令學劍令青
編大郎早躡黃金榜聲名佐郡青雲上二郎禮鬱更

英特掇青拾紫猶翻掌二郎年十餘頭顱角斬如拱
立向人前解背經與書二郎昨別我云將還故鄉馬
蹄馳逐秋槐黃龍泉出匣光自射驂駟歷塊疇能當
連翩騎從喧皇州春風紫陌行鳴騶生兒當如孫仲
謀吁嗟相國胡所憂濁醪惟恨不滿甌聽我王郎行
我行還自歌何以贈之珊瑚柯又何贈之玉山禾願
郎歸白玉珂

郭生行

君不見大梁郭生少小能英竒生長富貴心寒飢兀
坐日誦書與詩下究王伯上軒羲郭生有父王國賓

有母食邑稱之君鯉庭獨立猶詩禮熊膽親丸或夜
分生有兩男子大者覽輝起次者郭生鼓翅亦上青
霄裏憶昔匹馬走燕甸長安三月花如霰射策曾登
金馬門垂衣 帝在蓬萊殿三十年間萬事變後生
袞袞蜚英彥結綬初誼東閣賓彈冠復報南州薦太
平旣極邊功開武帝射蛟江水迴上林會有誇胡獵
願生早試長楊才

結交行贈李沔陽

古人結交如種稷今人當路栽荆棘世間萬事各有
極人生何必相傾仄君不見李沔陽五馬昨朝天
冰地裂衝寒煙三月不遇見天子歸途困頓心憂煎
南行波濤值洶湧蛟龍失勢鼉鼉踊留滯聊栖梁孝
臺醉歌真據侯嬴塚却憶當年侯未鬚識者盡道驂
騮駒落筆遽掩羽獵作挺身遂上青雲衢百戰不侯
李廣辱一麾出守延之吁峽靈光射卞和玉月明淚
迸鮫人珠李沔陽汝無學雲夢吞亦莫效江南哀六
龍挽車日月輪萬里簸蕩風沙開棄君舟楫理銜轡
有人物色騰驤材

蕙苒行贈王氏

南征馬援還東都人言滿載皆明珠發封視之乃蕙

空同集
苴羣臣失色天子吁世情毀譽本好惡後生輕信迷
真誤暗投固宜明月棄同居豈免娥眉妬自君夙夜
歌在公尊中醴酒常不空德尊日見兒孫盛名成反
致讒邪攻雖云喬樹多烈風曷有寸霧殘高空君不
見周時吉甫稱大賢孔門弟子推顏淵掇蜂拾塵尚
見惑豈我千得無一愆君堂有客俸有錢槐庭偃蹇
花含烟胡不酩酊金壘前萬事置之休問天

徒步東行贈鮑激

鮑生六月徒步東久曠赤日昏沙風且行眼眩扶桑
紅足疲暮憩空桑中帽浥衣沾乾復濕必逢佳樹始

一立道傍有驢無錢騎短詠微吟口翕戢杜甫遺詩
人罕全鮑生記之將及千論工尚恨黃初淺泥古常
卑大曆前豈知才大番爲崇臨歧獨下楊朱淚鹽車
雖蒙苴滓辱長鳴未折風雲氣生今坎壈三十年同
時細估豪熏天出門寶馬雙翩翩道逢鮑生不舉鞭
生不見五羖大夫歌屢屢商歌飯牛聲夜悲賢達困
窮何代無仰視萬里浮雲徂

夏日田居蘇生携酒見過

疾風六月樹枝折火雲纍鏈白絮裂城南老夫正高
臥荒郊款段蘇生過塵埃滿面髣髴亂手携清壺來

餉我季子才名三十年射楊百發百葉破逢時幸首
南宮薦塌翮尚忍西山餓丈夫生世古難同蘇也巷
西我巷東追尋不計襪襪熱淹留祇恨金尊空君不
見昨朝雨雷今則風世事反覆誰豫通得時無誇好
身手失意豈必皆愚蒙野池紛披蓮半紅黃鸝噤語
空林中勸子盡醉休匆匆人生幾何吾已翁

送人使安南

安南陪臣騎馳突歌吹春喧洱水窟蛟潭飛雨動霹
靂島城毒雲開日月黃門使者白澤袍南來氣與秋
天高當今天子古聖人諭爾歲事勤包茅永令炎海
無波濤

有鶴篇贈翟翁

有鶴褊褊海上來乘風爰止梁王臺洪河怒濤野蕭
瑟含情顧影却飛迴十洲來往羣仙戲舉身上下隨
雲氣君不見夜來東海頭南極一星光照地

賦得姑蘇臺送李推官士允

少年何官騎白馬秋日經過古臺下回瞻遠慮意撼
促下馬行歌淚盈把猗嗟築此誰爲臺千年棄土猶
崔嵬傑廊娃館瓦礫積美人白骨生青苔枯蒿虫吟
莽颺颺飛雲叫鴈雙徘徊當時金屋玉起樓豈謂臺

成麋鹿遊寶鈿黃金裏瑟瑟雨時濯出樵人牧李生
豪士扶風倚悲歌久抱流連憂世家各讀日一過獨
廢吳越傷春秋復思鴟夷氣益奮怒目每送長濤流
抉眼東門事已往茲臺再過君休上日暝煙波湖水
深范歸恐有同行槩

送王子歸鄆社

賢兄已上蒼龍閣令弟猶甘飽藜藿膝下雖無一寸
綬腰間常吼千金鐔騎驢狂走長安市酣歌擊缶白
日落黃金不成徒自歎烏裘脫盡那堪著道逢石室
舉鞭揖謂爾骨相殊不惡終南鄆社豪俠窟從來意
氣無京洛歸家早鑄雙玉龍提携來獻明光宮

贈鄭生

狐裘騮馬誰家子往來馳驟塵沙起右撚羽箭左把
弓仰射忽墮雙飛鴻野寒日昏慘慘風下馬揖我立
我東一箭直西貫楊樹抽身上馬入城去

石峰子歌

石峰子昔住石峰山茅堂巖壑豁訝間松孤桂叢白
日靜坐玩碗礪聆潺湲石峰子驟鸞觀帝今幾秋欲
猿哀嘯鴻鵠愁頃爲四岳振南州珠崖瓊海毒厲收
丹穴有鳳鳴啾啾願子早致儀西周經過舊山莫淹

留君不見舊山頭
葛藟蔽翳寒泉流

寄寄庵子

寄庵子嘗曰人生寄爾然
利孰與義安愆孰與美
久臭孰與芳永庫部駱子
以其言告李子李子曰卓
哉張子持此於天下誘之
能移撼之能動乎能招之
來麾之去乎於乎張子者
足以荷天下之重矣於是
作寄寄庵子詩

嚶其鳴矣彼何求
天下願識韓荆州
心傾義投神便往
萬古不廢江河流
張侯崛起西南裔
覽輝振翮風雲際
鉤陳蒼涼閭闔閉
排闥直謁蓬萊帝
牙冠戔戔

不動紳挺身遂作蘭臺賓
竊憤辛裾謂洪忍誓與朱
榼爭嶙峋已看騷裏狹
道路復訝鷓鴣卑風塵
霜飛維揚海月苦陽行
沮洳汾花春還朝袞衣
換日月立仗正色指星
辰行步旣工馬從瘦諫
草每就雞將晨餘力猶
馳翰墨園先秦兩漢文
心苦壯志真趨劍閣銘
張子幽懷緬擬歸田賦
張平拖朱響玉豈不足
覩面徒餐竟何補及時
願作朝陽鳳不然退與
漁樵伍予也綸竿孟諸
客心本無他衆莫白李
白世人欲殺之蘇軾能
詩遭貶斥雷劍雖埋光
在天下玉未剖終爲石
垂老重逢四海清虛名
幸免諸公擲思君欲追

空同集
十三
嵇呂駕贈言輒踐回由迹顏淵季路有田負郭不餓死且
自射獵芒碭澤

龍仙引贈駱員外

壯士狹四海萬古一大夢俗夫醯雞耳生死不出甕
滅沒等蒿草勞勞竟焉用君求勾漏學稚川往來棲
息羅浮烟自從異人授丹訣行地乃作飛龍仙左携
浮丘右洪厓樗里景純執我鞭崑崙嶺嶠倚天外黃
河九曲如衣帶南支江湖楚蜀匯北支嶮塞華夷界
少時振衣登賀蘭開眼已無西北山中年謁帝聽廣
樂曳裾赤手搖天關朝攬金臺雲夕披玉峰霧翔鸞
鏘鏘導前路左蹲文豹右伏虎旌幢旖旎雜翠葆龍
兮龍兮汝雖變化叵測慎無使頭角露祥麟威鳳世
見希泄秘盡巧鬼神怒深山大澤多戢麟龍也穆沕
幸自珍緱城玉笙兩鶴舞太室珠樹二花春從茲謝
人放浪去笑跨白鹿乘飈輪

送李中丞赴鎮

黃雲橫天海氣惡前飛鷺鶴後叫鶴陰風夜撼豎巫
閭曉來雪片如手落中丞按轡東視師躬歷嶮隘揮
熊貔已嚴號令偃鼓角更掃日月開旌旗椎牛李牧
將士躍射虎李廣匈奴知屯田金城古不謬賣劍渤

空同集 卷二十一
海今其時塞門蕭蕭風馬鳴長城雪殘春草生低飛
鴻鴈胡沙靜遠道鯨鯢瀚海清不觀小范擒戎日誰
言曾中十萬兵

雨燕醉歌

迅雷擊城鴉欲翻黑雲壓天白晝昏展席叙對城南
門長安大雨如傾盆我馬已惜錦障泥主人况具黃
金尊睥睨將將下萬瀑龍蛇緜緜動高壁出門牛馬
不復辨炎霧毒蒸靜如拭酒酣爲君如意舞夕雨轉
急風轉怒祇恐豁壑受不得海倒江翻亦難測

顧侯寄陳留公砥柱障子并詩予爲作歌

東吳顧子相公客掃絹畫水復畫石天衝地擊河怒
號嶷嶷一柱當橫濤突立固知氣勢穩鼓盪轉見孤
稜高淋漓新題墨猶濕封緘遠寄心誠勞昔公平章
握軍國執義委有排山力甚哉懃如漢汲黯老而純
過唐師德言違諫阻去何決羣猜衆怒不動色同時
門客顧最親隔絕夢寐懷偉人峩峩砥柱公實倫顧
也歌之情句真畫者誰子筆更新數尺絹面開嶙峋
遂令觀者重回首堂上恍惚河聲吼欽岑若遘虎豹
踞蹠脊似覩蛟龍走竒怪常虞霹靂奪孤危定遣神
明守君不見鰲極有時艱崑崙有時翻柱乎柱乎永

空同集
且安

雷電行贈憲卿何公美其伐也

黃塵蔽日賊大戰元年年除夜雷電我軍後之天威
前一鼓破賊淮陽川昨者此賊生齊東眼中久已無
河嵩渡河轉戰勢果熾長矛健馬六石弓睢陳飛刃
晝接白毫頰劫火宵連紅一路生靈饑餓虎中原殺
氣回春鴻于時中丞秉鉞出誓不滅賊如此日三軍
素壯元老猷諸將咸遵丈人律孔明綸巾不離首羊
枯輕裘僅掩膝精采遽增朱雀幟運用或叅白猿術
陷陣直如風掃葉追北譬之蜂就蜜二月朔日振旅
歸夾道桃花照鐵衣傾城盡出牛羊犒父老爭迎錦
繡旂喜氣真隨陽氣發愁雲化作卿雲飛捷聞天子
喜動色滿朝譽公降褒勅白金綺繒寧足酬異日凌
煙看畫墨

送兒詩四首

冬至至後風愈嚴野冰皓皓霜凍髯河漸日昏不易
涉孤劍匹馬慎汝楫

北風蕭蕭狐裘薄蔽堤立馬勸汝酌汝伯煨酒友奉
盂路人不行為踟躕

壺乾日斜客子發臂弓上馬意氣勃斬蛟擒虎及汝

空同集
時我幸健飯無父思

平生自許萬言書今往謁
帝承明廬春風走馬未
爲得下有管樂上契稷

邊馬行送太僕董卿

治賢在朝亂在野唐虞圉牧皆賢者國君之富馬爲
急次者僕卿首司馬漢人五郡開河西中土始聞胡
馬嘶此馬碗礪一直萬黃金寧輕璧可賤奪駿曾空
大宛國按圖徑上長安殿首宿雖誇近苑春荆榛誰
記沙場戰致遠番歸草木功清芽秀味走胡騾三邊
盡跨連錢種六苑羣嘶汗血風人亡世殊霜雪急草
豆蕭瑟馬骨立驕驄氣喪甲士苦長城窟寒鴻鴈集
朝廷每勤西顧憂四岳拜手推董侯攻駒暫出薇花
解攬轡遠過葡萄州行卿官冷心不冷固知董侯今
伯冏積沙日黃雲錦亂徵侯定上金華省

風沙篇送王生北行

顛風吹沙江海波汝乘玉駟超天河豫章千尋勢自
穩黃鵠萬里誰能羅我逾五旬鬚盡白日采山精煉
白石臨分贈汝一粒丹願言寶之勿輕擲

贈張帥

張侯五十毅強弩遇敵控馬氣如虎年來威坐都統

空同集
衙境內盜息無塵沙自言少壯從征虜北掃朔漠南
閩楚暇時勤出射雲鴻古來矍鑠成大功

贈鮑帥

蒼鷹自與凡鳥異虎子墮地食牛氣鮑侯三十名譽
成才猷吐布千人驚只今塞上風塵起 朝廷拊髀
思頗李君之寮案皆英竒同升早勒燕然碑

白河篇送李南陽

白河日赤沙吐雲人喧吏閔迎神君三月萬花擁車
入滿城竹馬兒童出君昔坐郡襄漢東氣勢三楚生
雄風適奸無論漢張敞秉義直到唐梁公霜飈偶折

奮翅鸚日月竟照凌寒松鐵幹久擬作隆棟劍翮卽
睹追飛龍空同老儒不君識傾蓋逢之喜動色論文
開口夜嘗旦憤事扼腕晝遽黑南陽雖邇路終隔音
書易通見難得我欲扳君數日住南民望之餒待食
君心透徹皓如玉壺之清水君材磊落歸如萬仞之
立壁高議足以排山嶽偉文足以華人國只恐茲邦
難久留漢庭來徵郭細侯

汴河柳送沈生

汴河柳嫋嫋拂地長雪花風起春飛揚送君立馬古
堤口踟躕勸盡黃金觴有車麟麟官道旁轅駒喘噠

何徬徨於中豈無神駿骨伯樂不遇誰爲彰人生富
貴信有命英雄仰面高天蒼高天蒼飯牛牧豕皆騰
驤

王孫饋冰詩以酬之

流金毒日赤墮地忽有冷色寒人心誰敲水晶迸大
壑力剖冰井開重陰高盤礪堆久不化老齒澆澗差
能禁安得移之白繞座一尊一酌還一斟

贈趙將軍

豐沛之間河亂走洶洶之勢成陂藪大船愁淺小愁
賊賊船如飛葦灘黑自從將軍鎮東土晝夜人行路

不澀將軍本是將門種軀幹堂堂萬人勇入山縛虎
百獸懾赤手批蛟色不動射楊葉盡矢亦盡始知百
發還百中武宗見之屢凝顧戟郎遽拔千夫總英
雄自古不下人將軍獻策况有文驂駟暫蹙歷塊足
鷗鷗竟上橫秋雲世情金多位乃高圖名交結須賢
豪將軍無錢自樹立於人傲氣但長揖擠出事體雖
云乖威勢我喜行河淮黃流穩帖遁鯨鱣日光彩
收狼豺大同反刃血未乾甘州索卵人心寒薦書何
由至天子拜將早築黃金壇

贈胡石陵

空同集
世情認假不認真脂粉羅綺登上嬪娥眉入室衆女
妬辛苦年年織紈綺織成進君冀君憐腐草迴日光
在天荆山石中抱神異氣如白虹勿輕弃

贈滄洲道人

滄洲道人年半百顏如渥丹髮不白飢餐玉芝坐雙
鳳渴收石髓煮金液海月西照寧仙橋道人橋頭吹
紫簫夜半雞鳴日毬躍扶桑滾滾生紅潮

送李帥之雲中

黃風北來雲氣惡雲州健兒夜吹角將軍按劍坐待
曙紇干山搖月半落槽頭馬鳴士飯飽昔爲完衣今

繡襖沙場緩轡行射鵬秋草滿地單于逃

贈張生

男兒三十骨格成貧賤富貴皆天生張生廣額日月
角自幼勤書飽文學十年雌伏人不知一日雄飛動
河嶽君不見宋朝宰臣云姓周少時坎坷風塵游偶
然夜夢更美鬚泥蟠遽爾行天衢

送王封君還四明

季札如魯請觀周子長足跡半九州向平且然志五
嶽誰肯齷齪終一丘封君昨年出吳越長嘯梁園醉
秋月春風垂楊縮不住便復歸山採薇蕨鑑湖花開

空同集
雲錦浮鳧鷺前導紅蓮舟餐霞坐收赤城氣晞髮卧
看扶桑流古云徐卿百不憂君亦滾滾生公侯君不
見大郎繡衣昔持斧聲名赫赫今臺府

何儀賓生日贈歌

賓客白馬黃金鞭入門長揖皆峩冠堆冰五月窻閣
冷風簾碧篔簹光琅玕主人平生貴然諾季布一言重
山嶽人間社良數郡至坐無車公衆不樂列筵解帶
羅縠羞萬年爲壽千金酬向夜銅綵灼絳蠟鳳笙龍
笛何啾啾

七夕贈王昌程誥

橘酒椒羊召朋侶擬向今宵看牛女雨來颭颭楓林
秋張燈促燕開東樓王侯旣駕鐵馬立前驅北首旌
旗濕程生買棹亦欲歸長江南望雲飛飛人生去住
料豈得一日同歡有南北君不見雙星一水意脉脉
轉眼陰晴不可測且倒金尊澆我萬古之曾臆

再送沈生

去年酌汝池蓮紅今年酌汝黃菊叢秋風颭颭吹枯
蓬飄轉向西忽復東世情敬貴不敬賢黃金不多人
不憐如脂白玉隱在璞孰肯剖致君王前白河馬歸
玄鴈起南陽賓客梁園比送君高歌枚子篇修竹檀

